

金
陵
梵
刹
志

金陵梵剎志卷二十二

中
剎
青溪鷺峰寺

古剎
勅賜

在都城内中城鈔庫街南青溪地西南去所統天界寺
五里齊爲東府城梁爲江總宅唐乾元中刺史顏魯公
置放生池東接清溪宋淳熙間待制史正志移於清溪
之曲建閣其上歲久湮沒 國朝天順間卽其地建寺
賜額鷺峰寺後有塘屬內監相傳爲放生遺址以教坊
毀菴隙地易之併構一椽祀魯公而重勒其碑文以存
舊蹟寺記稱舊爲梁法光寺法光卽鹿苑寺亦近清溪
但按鹿苑記云聖像卽山而成今鷺峰絕無山恐非是

且迴光寺記中亦謂是鹿苑豈因其地相近而誤入耶
所領小刹曰迴光寺千佛菴大中正覺菴

殿堂金剛殿參左鐘樓壹座右鼓樓壹座天王殿參左伽藍

殿參右祖師殿參正佛殿參左觀音殿參右輪藏殿

檀毘盧閣參迴廊參僧院玖房禪院貳拾肆基址拾畝

東至官路 西至民家房 南至官路 北至高牆廠 **附**顏魯公祠參

公產租房壹拾伍畝地伍畝

山水青溪輿地志云後湖水迤邐西出至今上水關皆名青溪按溪有九曲寺地亦青溪之曲也

古蹟放生池顏魯公置史待制改建於此蹟已久湮沒今寺後有塘一口相傳為放生池因復之

以有顏魯公書放生池碑今重刻 **附**江總宅即寺基 清

溪閣

宋史待制正志 割青亭

宋段約宅取荆公詩割我鍾山一半青之句

奉詔立放生池碑

唐昇州刺史顏真卿

顏真卿字清臣嘗受戒於湖州慧明又問道於江西嚴峻乾元三年肅宗置天下放生池八十一所公奉詔立碑

昔殷湯克仁垂一面之網漢武垂惠致含珠之報流水救涸寶勝稱名蓋事止於當時尚介社於終古豈我今日動者植者水居涸居舉天下以爲池罄域中而蒙福乘陀羅尼加持之力竭煩惱海生死之津揆之前古曾何髣髴

乞御書天下放生池碑額表 唐昇州刺史顏真卿

臣某言臣聞帝王之德莫大於生成臣子之心敢忘於讚

述臣去年冬任昇州刺史日屬左驍衛左郎將史元琮等奉宣恩命於天下州縣臨江帶郭處各置放生池始于洋州興道訖于昇州江寧秦淮太平橋凡八十一所恩霑動植澤及昆蟲發自皇心徧於天下歷選列辟未之前聞海隅蒼生孰不欣喜臣時不揆愚昧輒述天下放生池碑銘一章又以俸錢於富州採石兼力拙自書蓋欲使天下元元知陛下有好生之德因令微臣獲廣昔賢善頌之義遂絹寫一本附史元琮奉進兼乞御書題額以光揚不朽緣前書點畫稍細恐不堪經久臣今謹據石擘窠大書一本隨表奉進庶以竭臣下懷懷之誠特乞聖恩俯遂前情則

天下幸甚豈惟愚臣昔秦始皇暴虐之君李斯邪諂之臣
猶刻金石垂於後代魏文帝外禪之主鍾繇偏方之佐亦
於繁昌立表頌德況陛下以巍巍功業而無紀迹則臣竊
耻之謹昧死以聞伏增戰越

肅宗御荅朕以中孚及物亭育爲心凡在覆載之中畢登
仁壽之域四靈是畜一氣同知江漢爲池魚鼈咸若卿慎
徽盛典潤色大猷能以懿文用刊樂石體含飛動韻合鏗
鏘成不朽之立言紀好生之上德唱而必和自古有之情
發于中予嘉乃意所請者依

青溪閣記

宋朝奉郎張椿

青溪閣在府治東北青溪上本梁江總故宅至國朝爲段約之宅有亭曰割青取荆公詩割我鍾山一半青之句乾道五年秋因移放生池於青溪之曲卽割青故基建閣焉天下山川勝處古今相承往往隨人廢興得其人者雖雲煙草木皆有憑恃德名高自標致亘萬古而不可泯沒之也如其不然亦復憔悴淒愴風悲雨暝過者爲之黯然而山川因人而興者亦不多有孟城北垞本宋延清之別業香山履道之坊蓋楊虛受之故宅王白二公乃發其名而傳後世使其地靈氣英而無人傑以當之亦將錄錄蒙昧不復傳矣金陵古帝都也青谿數曲近在城中晉則爲郗

僧隨之所領覽陳則爲江總持之所據依二人者聲名震
耀胷次丘壑一時游從見於歌詠異時段氏結廬其上王
半山詩之而割青之名遂振兵火後走鼪鼯埋荆棘獨取
給於漁師老圃之用鍾山之秀無復照映此谿之上今大
帥史公繇甘泉法從宅牧畱京政修戶庭而人自得於一
路十州之外凡地之勝與景之殊者悉表出之六朝以來
人物事迹搜訪具備覺山川益竒登覽益多而聞見益廣
至是青谿數曲之地足歷而心營之因柳堤之舊築層閣
之新忽若飄浮上臨雲氣環城之山畢出新露朝滴夕嵐
煙顏雨態盡得於指顧之內公聽訟之餘風清月白蘭橈

盡舫時往來其間無紅旗穿市之勞有延綠混碧之觀龜
魚禽鳥欣榮飛躍鳴聲下上而自喜得所遇焉是可爲青
谿賀也一日公顧謂客曰夫豈以游樂故而爲此哉予之
意殆非也嘗迹建康志顏平原爲昇州日據石壁窠大書
奇字以紀乾元放生池者蓋自江寧秦淮連太平橋並江
帶郭皆禁網捕所以宣皇明而廣慈愛也今青谿之地延
袤數里蒲蓮葭葦聯蔓蒨蒨潛深伏與依戲藻荇不知其
幾千萬億皆欲使之遂性咸若圉圉洋洋游泳恩波以祈
兩宮萬年之壽此予之理是谿創層閣而以時往來其間
者述平原之志舉乾元之實而效藩臣之精懷者也客聞

而嘆乃酌而請曰以公修名推望持橐偃藩深爲聖天子
器重四方之士知公推轂後進桃李滿門願一見公者日
有其人而公寓意幽討寄興滄洲峴山南樓比迹羊庾又
能展廊是谿涵濡品類使鳬鷺行哺鷗狎不驚而盡所以
鄉慕古人尊君愛上之意則是谿之遇寧有既乎谿之遇
公固得其所公方且以宏遠之舉經畧中原勒功彝鼎公
則有時而去也公去而位愈尊而谿之名愈大矣可不記
歟椿於公爲門下士乃據其實而書之公名正志字志道
南徐人乾道己丑中秋日右朝奉郎權發遣和州軍州主
管學事兼管內勸農營田屯田事借紫龍舒張椿記

放生池記

宋景定建康志

案舊圖經唐乾元中詔於江寧秦淮太平橋臨江帶郭上下五里置放生池八十一所有碑昇州刺史顏真卿文舊以府治東東接青溪北通運瀆者爲之舊志今秦園之側府學之東卽古放生池也淳熙間史待制正志移放生池於青溪建閣其上遇祝聖立班閣下府學遂因舊放生池爲泮水其流亦通青溪王尚書埜以其池乃祝聖之地立板榜於舞雩亭門禁漁捕池近行路水深而堤不固時有溺死者馬公光祖聞而憫之池名放生豈容有溺死者乃命能仁寺僧築堤甃街立大木爲欄檻自是無溺者矣又

修闢青溪閣前爲飛梁繚以朱欄深迥汪洋塵迹莫能到也

鷲峰寺碑記畧

明禮部尚書杭郡鄒幹

都城秦淮之南有地曰清溪舊有法光禪寺建自梁武帝天監年歷唐宋以來歲久廢毀遺址猶存 國朝天順間進公保開拓舊址重新構造佛殿三間翼然嚴正簷牙棟宇遠近相望殿之前四天王殿殿之後有毘盧閣左廡之半建觀音殿簇以畫廊二十餘間右廡之半建藏經殿亦簇以畫廊二十餘間俱彩繪其壁東廊之前爲鐘樓西廊之前爲鼓樓樹以碑銘又於正殿之東闢地數畝建佛堂

方丈以爲講經之所飯僧有堂庖湍有所棲僧有寮退居
有舍池塘遶其後金城抱其左歲戊子工克告成特 賜
驚峰禪寺 成化三年十一月日

復顏魯公放生碑

蹟併崇
祀小記

明南祠部郎錢塘葛寅亮

唐乾元詔置放生池於昇州秦淮刺史顏魯公爲文記之
又表請御書題額宋制使馬公光祖徙池於青溪之曲建
青溪閣溪曲凡九湮塞僅存其一驚峰寺寔古青溪曲中
宋卞彬謁齊高帝東府曰以青溪爲鴻溝光祖之詩曰江
家宅畔成花圃東府門前作菜園邑志稱驚峰卽古東府
城處今寺後有陂塘數畝菜隴千畦與蓮地蘭扁分青映

綠彷彿光祖當時所見而塘亦相傳放生遺蹟卽數百年
來陵谷遷變未遽信然第此處青溪一帶尺寸之波惡知
非舊派所流而搜討湮沒寧使遺憾因詢斯塘爲內監所
轄以教坊隙地相與抵易當時臨江帶郭上下五里而今
僅一區亦存千百於什一耳獨池復而魯公之碑垂波薤
露曾不得其殘痕半字拂薤讀之臨風賞快如公純忠壯
節標烈騰景千古有生氣忍俾沒沒使人不見其風流乃
重撫其文勒之石併構一楹池上以祀公焉嗟呼鄴令之
渠興思異代顯陵之策終見嵩山志復古者將毋摩娑其

下

過青溪王昌齡宅

唐常建

青溪深不測，隱處唯孤雲。
松際露微月，清光猶爲君。
茅屋宿花影，藥院滋苔文。
予亦謝時去，西山鸞鶴羣。

青溪草堂閒興

南唐李建勳

牕外階連水，松杉欲作林。
自憐超競地，獨有愛閒心。
素壁題堪遍，危冠醉不簪。
江僧暮相訪，簾捲見秋岑。

青溪

宋馬光祖

人道青溪有九曲，如今一曲僅能存。
江家宅畔成花圃，東府門前作菜園。
登閣自堪觀疊嶂，汎舟猶可醉芳樽。
料應當日皆無恙，若雪瀟湘不足言。

青溪閣本梁江總故宅 宋徐照

葉脫林梢處處秋，壯懷易感更登樓。
日斜鍾阜煙凝碧，霜落秦淮水慢流。
人似仲宣思故國，詩如杜老到夔州。
十年前作金陵夢，重撫闌干說舊遊。

晚步清溪上

明宋濂

溪色涵膏綠，溶漾正堪餐。
十步九還辟，清芬襲肺肝。
渚牙旣戢戢，岸花亦萋萋。
潔漚近宜狎，賁清可捫流。
念梁陳際甲第，繞其塹南漣。
綺錢結北津，銅網繁倒景。
浸寥曠，蒸氣濕鉛丹。
有時作清遊，肅舲輸軒尊。
泛爵溢朱組，遙筵到蟬冠。
荆倡逞妍曲，秦豔發清彈。
唯恐懸象墮，不憂芳年單。

金陽市志 卷之四 寺觀 三二
繁華隨逝水崇替起哀歎黃鳥背人飛響入華林園

清溪

明焦竑

宛轉清溪步扁舟曲曲通竹煙籠暈畫花雨澹冥濛豔雪
歌蟬墮澄金酒蟻空良遊不知倦遙夜水雲中

小迴光寺

古刹

在都城南隅中城地東北去所領鷲峰寺一里梁天監
間創蕭子雲飛白大書寺額名蕭帝寺唐保大中改法
光寺宋太和中改鹿苑寺一云鷲峰是其址今互存之
國朝永樂間有迴光大士自西域至重建改今額寺在
教坊內道所必由今爲另闢他途復有孔雀道堂寶塔

諸菴悉移徙之而淨穢於此始別云

殿堂山門壹座金剛殿壹座右關聖殿叁座右大悲殿伍座右天

妃殿壹座正殿叁座左五顯殿叁座伽藍殿壹座右玄帝殿叁座

祖師殿壹座藏經閣叁座左觀音殿叁座右地藏殿叁座禪堂

僧院肆座基址伍拾丈東至徐府園南至紙匠營西至官街北至官街

鹿苑寺記略 宋元絳

金陵氣王三百年聲明文物與時隆替中間惟蕭梁折節以佞佛故佛之廟貌充斥江表都城巽維直淮里所有精舍焉紫峯紆餘反宇欲翔盤高孕虛含吐萬景望之輝然如修虹亘霄丹碧相發殿有聖像卽山而成追琢之功極

其精妙案輿地志不知從昔之名但後人以帝氏目之黃
旗運歇勢勝故在閩唐攘據因其跡而增華易榜法光標
爲豳概聖朝混一書軌以三代文教蕭勺宇內四聖累洽
浸厚福於生民梵刹禪林容仍舊物而茲寺垂地瘁焉不
支已卯春寺僧募大姓杜德明出褚金五十萬程工就其
址起高廣殿水槩不移焚燎有嚴光輝復還風物異態又
粉繪釋迦文相卽山塑十六大尊者生生之供稱是該備
其秋告成乃作鍾唄蒲殮以落之道俗和會圍視作適青
溪之水木鍾阜之雲物來入軒庀相爲澄曠都人詫焉有
條其狀而至者會同問趙郡李君從事海瀕謂余有一日

之雅授簡不腆且曰欲以新志累子追惟勝冠茲仕彼都
與故濮陽吳嗣復昌卿並遊其地霑醉撫翰刻名楹間晦
明颺馳蓋四十八甲子老龍死矣靈光巋然齋咨舊游悅
若夢覺今之辱請可沒其數乎月而日之庶以傳久康定
二年三月八日記

重修迴光寺碑畧

明太常少卿浚儀邢一鳳

夫收神長寂內境顯昭融之像歛照無爲靈臺長智慧之
芽頭頭是道重重發光故色與空並列內卽外以無殊此
金陵迴光寺之所由名也寺在梁夫監爲蕭帝寺在宋太
和爲鹿苑寺東繞秦淮之通壑西屬周處之崇臺萬雉之

城南臨雙鳳之闕北拱延袤數里勝槩一方斷碑於鼎屬
之形磨文照蝌蚪之蹟雖代遠而傳疑實據是而徵信唐
之中葉遽厄兵燹續經補葺僅存數畝迨我 國朝永樂
初有迴光禪師者生由西域來屆中州推五行以緣聰詰
慧日重輪卽群有以拯墊昏慈雲大蔭杯屢渡於龍江錫
爰止於鹿苑時 大報恩寺告成以羨餘修飭此寺因改
稱今額焉及 武帝南巡駕幸茲藍忽有一僧從寺而出
上與談道圓對不窮其偈曰可惜幽虛青蓮地不見迴光
舊主人書竟俄失所在 皇帝悟曰豈所謂迴光禪師者
耶 命西域僧繙印度真文以識其事由是緇素稍復崇

信云嘉靖甲子僧雲谷講經于堂遠企清芬每深於邑緬懷高躅欲象來儀搗匠氏以開金容引緇衣而瞻睟表至誠交感寶相業成思丈室爲安居慨茲宇之日敝居無何而示寂惜有志而未遑奄忽春秋益漸傾圯仰微兼棟俯乏完廉塹剝黝沈廊蕪壁蘚嗟乎金剛無性固假修爲而瓦礫有情能亡銷歇者哉是以奕世闕然難乎貫舊曠時胥應曷厭維新主僧方祥踵雲老之遺風揖光師之懿範刻意重修苦心剝募掄材神運勾匠子來禪棲穩而無事荆班象設嚴而何煩茨庇旣成堂構復事永圖於以昭引苾蒭甄陶法器尊延珪壁培養善根嗚呼舉墜典于已隳

後先交映續真詮于垂盡淨染皆融闇黎之軌範常存鷲
嶺之煙霞如故則茲寺也燈燈相續光燭陪都鉢鉢相傳
風流 帝域豈如徒誇蕭寺之名未覩鹿苑之勝也哉
萬曆改元歲孟春記

刹 千佛寺

在都城聚寶門內中城水軍所地東北去所領鷲峰寺
二里洪武初建歲久傾圯近重修

殿堂 山門

參

三聖殿

參

大佛殿

伍

僧院

壹

禪堂

參

基址

參畝

刹 大中正覺菴

在都城內中城大中橋南去所領鷲峰寺二里

殿堂山門

參

佛殿

參

僧院

壹

基址貳畝

東至官街

南至李家房

西

南

至官街

北

至丘家房

金陵梵刹志卷二十三

中刹承恩寺

勅賜

在都城内鍼功坊地西南去所統天界寺四里舊內旁
王御用監故宅景泰間改為寺仍勅賜額名近加修
葺禪院改建於大殿之後山門內沿徑新植松杉欄楯
鬱然增麗所領小寺曰亭子巷觀音菴佑國菴傘巷觀
音菴

殿堂大山門

壹楹

金剛殿

叁楹

天王殿

叁楹

正佛殿

伍楹

左觀音

殿

叁楹

伽藍殿

壹楹

右輪藏殿

叁楹

祖師殿

壹楹

迴廊

共貳拾楹

方

丈壹所

拾貳楹

僧院

肆拾捌房

基址壹百柒拾貳丈

東至舊內門

南至三山街 西至官街 北至舊內園牆

禪堂大門壹楹 禪堂伍楹 十方堂

參齋堂壹楹 靜室肆楹 廚房伍楹

公產向南廊房壹拾壹間 房地肆間半 向西廊房貳拾壹間 房地壹拾壹間

禪堂向南廊房壹拾貳間 向西廊房壹拾貳間

藏經護勅 文同天界 景泰三年六月十五日

承恩寺記略 明南翰林學士晉陵王儉

承恩禪寺在南京 舊內之旁前御用監王公瑾之故第

公既歿改宅為寺 勅賜今額而復哀其餘資加繕治焉

寺袤五百有四十尺廣殺其袤二百尺有奇其東北皆附

禁垣南關山門門側列肆餘七十楹連櫳以達於西皆俯

臨通衢歲入餽費以滋焚修而復其廬租由山門入施重門以次爲殿者六位置中嚴而翼以鐘樓繚以廊廡他凡禪堂丈室僧廬以至齋庖庫庾之所又百二十有四楹大抵皆因其舊而增新之而易其棖楠加以旂署崇彼象設遂密覲雅足觀矣 成化三年七月

小刹亭子巷觀音菴

在都城內中城地西去所領承恩寺一里

殿堂諸天殿

參

大佛樓

參

僧院

貳

基址壹畝

東至官巷

南至官巷

西至潘家巷
北至曹家房

小刹佑國菴

在都城内淮清橋中城地南去所領承恩寺一里卽
國初逍遙樓址永樂間欽 賜永康侯後建蒼雲水相
聚樓泊不常今募建潮音閣漸拓舊宇

殿堂關聖殿

參

正佛殿

參

潮音閣

參

僧院

壹

基址貳畝

東至井巷 南至清溪河
西至銀定橋 北至永府塘

建立潮音閣疏

明南國子博士臧懋循

蓋聞欲證菩提之果必種福田將弘利益之門須修淨土
顧大事匪資獨力而善緣共結同心謹列勝因爰求月捨
有佑國禔者我 國初逍遙樓故基也虹橋東界源通淮
水之清鴈塔南竄氣擁鍾陵之紫自 皇輿之改御旣慶

域之空畱二百年夜舞朝歌恍如疇昔幾千武金臺玉榭
盡入銷沉每經瓦礫之塗何限美牆之感永府繇華閭智
啓慧輪以六代代興皆不廢雨花之地況三山山立猶堪
成選佛之場了凌欲界而樹旃檀闢翬廬以開正覺前莊
武安妙相護法攸存後供世尊如來闡化斯在左營香積
右結禪棲雖茲芥子之區儼若蓮花之境首僧明成戒行
無關薰修有聞念象教之陵遲愍龍宮之湫隘矢心方便
殫力經營將鳩銖寸之餘重建潮音之閣俯睇則紅塵四
合見三市之盈虛仰瞻則紫禁千尋連九重之峭蒨庶以
祈奉佛寶普濟羣迷而檀施尚疎慈願未滿特謁居士用

伸片言於是躬捐微貲手創短疏斬我大衆投此藁林悟
夙生多寶之良緣舉長者布金之盛事凡國將凡宰官凡
婆羅釋種並屬幻身或銀錢或米麥或纓絡妙衣元非私
物施財施法共培善業之根去怯去貪勿蹈癡頑之網務
使淨居巍構梵宇崇觀振錫者悉爾皈依傳燈者于焉萃
止竊扶晶牖別題孝綽之詞鵠繞梁恩更表景明之額縱
復高天鑠於燦炭大地淪於積流而祇園姓名固已等斯
文之不朽靈山面目終當歷浩劫以長圓

小刹傘巷觀音菴

在都城內錦衣衛中城地東南去所領承恩寺二里

殿堂韋馱殿參佛殿參右火神殿壹大僧院壹房基址壹

畝東至醫學南至官街
西至官巷北至千水管

金陵梵刹志卷二十四

中刹 普緣寺 古刹 勅賜

在都城西北神策門內北城地南去所統天界寺十五里晉名耆闍寺成化十九年僧能智重修奏賜今額所領小刹曰唱經樓普賢菴

殿堂金剛殿金正佛殿伍毘盧閣金玄帝殿金僧院朱

基址捌畝東至官街南至營房西至城牆北至內殿田

人物陳安廩有傳

耆闍寺安廩傳略 高僧傳

釋安廩妙思滔玄怡心屈寂製入神書一首洞曆三卷青

鳥之道莫不傳芳廩幼而聰穎獨悟不羣攝以典教業遂
多通而性好老莊早達經史又善太一之能并解孫吳之
術是以才藝有功文武清播仍欲披榛問隱華門圭竇而
虛懷機發體悟真權年二十五啓勅出家乃遊方尋道北
詣魏國於司州光融寺容公所採習經論容律訓嚴疑肅
成濟器并聽嵩高少林寺光公十地一聞領解頓盡言前
深味名象並畢中意請業之徒屢申弘益梁泰清元年始
發彭沛門人擁從還屆揚都武帝敬供相接大陳御寓永
定元年壽乃請入內殿手傳香火接足盡虔長承戒範有
勅住耆闍寺給講連續既會夙心遂欣久處世祖文皇又

請入昭德殿開講大集樂說不窮重筵莫擬孝宣御曆又
於華林園內北面受道闡化涉勞因以構疾至德元年建
寅之月遷化于房皇心惻悼賻贈有加卽以其月窆於開
善之西山門人痛其安放士庶失其歸依矣

詩

陪衡陽王遊耆闍寺

陳張正見

甘棠聽訟罷福宇試登臨
兔苑移飛蓋王城列玳簪
階荒猶累玉地古尚填金
龍橋丹桂偃鷲嶺白雲深
秋窻被旅葛夏戶響山禽
清風吹麥壟細雨濯梅林

與張折衝遊耆闍寺

唐孟浩然

釋子彌天秀將軍武庫才
橫行塞北盡獨步漢南來
貝葉

傳金口山樓作賦開因君振嘉藻江楚氣雄哉

小刹唱經樓

在都城内北門橋北城地北去所領普緣寺 里 國

朝 仁孝太后建經樓唱念佛曲化導愚氓嘉靖庚寅

僧惠曉募緣重葺

殿堂唱經樓壹楹小佛殿叁楹僧院壹房基址貳畝東至官街南至官街

西至官街
北至劉家房

小刹普賢菴

在都城内北城通賢橋地西北去所領普緣寺 里

殿堂山門叁楹正佛殿叁楹僧院壹房基址壹畝東至官街南至官街

西至梅府
北至官街

金陵梵剎志卷二十五

剎中
吉祥寺 古剎 勅賜

在郭城東北定淮門內北城水軍左衛地南去所統天
界寺十三里勝國時為天妃廟永樂初奏建改寺萬曆
間僧具慶募修按金陵志宋有吉祥寺治平二年賜額
疑卽此

殿堂金剛殿冬天王殿冬天妃殿冬左鐘樓冬大佛殿

伍方丈壹僧院陸禪堂冬基址參拾伍丈東

宮街 西至官街
北至古林巷

〔文〕重修吉祥寺碑
明修撰秣陵焦竑

蓋聞知言說之本空者因言可以闡教了色相之無礙者
卽相可以明真故僧會遊吳法蘭入洛精廬表於南國招
提創自東都詎非以竹林檀閣目擊道存柰苑祇園因敬
生悟者哉或者謂理超生滅之界卽建立皆有漏之因道
絕形識之封則像教非無爲之旨是又一隅之淺智非通
人之大觀者矣何者法之爲言也貫有無等空色融理事
混中邊諸佛體之則三菩提菩薩修之則六度行海會變
之爲水龍女獻之爲珠天女散之爲無着花善友求之爲
如意寶故風柯月渚總露機鋒蘚徑蘿龕咸提宗趣豈以
象巖窮窳非解脫之玄宗龍藏森嚴悖尸羅之妙躡者哉

吉祥禪寺者勝國時天妃廟在焉北接鳳凰之嶺形勢逶迤南亘清涼之山几按廻薄東則鍾陵標舉雲縉之所出沒西則馬鞍低控江濤之所激蕩兼之修竹萬箇挾淇園之遺蹟蒨桃千樹藏武陵之舊事誠南都幽勝處也永樂初增置爲寺 朝廷降敕護之正統辛酉住持智能復加修葺迄今百四十年矣開林薙草古非乏人組業承基久難其續尋至櫟椽漸毀經像無依此緇素之所共惜人天之所興歎也釋真慶者一心凝練五衆宗推萬曆以來總持茲寺傷智懂之欲折愆戒實之將沉矢志選材庀徒作室時則景仰者聞風助道效力者說以忘勞重開方便之

門大啓圓明之域遂令三身毓異四殿肇新雲退寒巖出
鈴閣山堂之妙月來湛水現鍾臺壠樹之奇蓋不必借座
燈王請飯香土而洛水羅書之頌芳園華蓋之祠庶幾其
不墜已是役也徐君承宗顧君其言李君紹者提萬戶之
侯印契三乘之聖諦率衆相工旣殫厥力詣余謀伐石紀
之余也佩伽佗之一丸飲罄池之八味高談寥一古則愧
漆園翁深入不二今則非維摩詰第以遺民棲荆於蓮社
玄風拾橡於禱林嘗沐無緣之慈忻觀可久之業寓言頌
禱敢辭篆刻之勤垂示來茲永作津梁之助其詞曰攸攸
法界芒芒品類智惠停輶無明縱轡癡城恚海情竅意率

疇擊其蒙疇覺其寐

其一

猗歟大雄乘運而興高披六度妙

演三乘開茲閭室示以心燈聲聞色見彼岸同登

其二

大教

陵夷枝分派衍正法曰深像教曰淺二諦既徧一如誰顯

方廣終湮真空莫演

其三

誰能獨悟種智都圓思超繫表道

照機前拈草建刹指栢叅禪卽相卽實何白何玄

其四

翹翹

鳳山名藍夙敞無平不陂有復斯往昔也莊嚴今茲灌莽

像設蕭疎停驂遠想

其五

有美僧英重啓香臺事從緣合緣

因善胎千光霧動七淨赧開蘭山桂水於焉裴徊

其六

風仰

蛾眉忻聞驚嶺其風可美修途難騁館宇新開薰修日引

戒月悲花目瞻心領

其七

經行宴坐松門蕙樓無金可繪有

石堪留銘題翠琰字勒銀鉤願見聞者同乘智舟其八萬
曆十年壬午仲冬

金陵梵剎志卷二十六

中剎金陵寺 勅賜

在都城定淮門內北城天策衛地南去所統天界寺十

五里

殿堂金剛殿參左鐘樓壹座右鼓樓壹座真武殿參左伽藍

殿參右祖師殿參大佛殿伍迴廊捌方丈壹僧院拾

房禪堂貳層陸基址拾畝東至官街南至官巷西至項家岡北至溫家岡

公產地山 共貳拾畝

金陵梵剎志卷二十七

中
剎 蒼雲崖嘉善寺 初賜

在郭外南去所統天界寺三十五里神策門五里北城
牧馬所鉄石山地相傳是達摩渡江處山椒有石佛閣
建立不知何代正統間僧法通見而掛錫因建寺奏
賜今額山深樹古垂藤絰壁有蒼雲崖砢研欲墮奇怪
異狀一閣開櫺臨其左有一線天雲穿霞漏巖壑之幽
絕者所領小剎曰崇化寺募府寺吉祥菴妙泰寺三塔
寺

殿堂

天王殿

參

大佛殿

參

佛堂

貳

蒼雲閣

參

方丈

伍

僧

院陸房某址拾伍畝東至草汝洪山 南至王一江民

公產田地山其肆拾肆畝

山水一線天山後有石壁如屏高峙霞表中 蒼雲崖

有平石突起如拳圍可數丈焦太史移閣於山左向崖開豁而石之奇得坐實焉

重修嘉善寺記略 明南吏部考功郎鄭宣化

英廟時有祖堂僧法通者來遊鉄石山見山西椒有石佛
菴菴不知其何自始幽深秀阻人言達摩曾此渡江處因
掛錫焉訪者來通爲說法皈依者衆區隘莫能容通捐貲
兼募買山爲住錫計無量殿天王殿觀音殿法堂以次修
舉訖工如京師通政使李公錫爲引奏制曰與做 勅賜

嘉善寺正統八年二月十五日也嘉靖間殿堂圯壞金像
露頂而坐住持大智募於十方支頽緝窳如初未幾潔漬
蟻齧不二十年支緝者腐敗且半松爲住持思續先績復
募而重修之於是寺復煥然增新視崇化募府獨擅雅勝
矣 萬曆五年六月日

重修嘉善寺募緣疏

明修撰秣陵焦竑

金陵古佳麗地而北郊爲最非獨湖山秀映爲選勝者所
耽游抑亦車馬聲跡寔棲真者所樂就也而嘉善又獨居
其勝彼其瞻鍾阜枕大江俯澄湖挾幕府闢天石壁鑿自
五丁滿地藤蘿幽參二酉而山門未移法王焉妥禪堂未

建雲水無依此桂軒上人所以喟焉而永嘆也余嘗謂今
時人士小治園亭輒窮水陸雖捐數十百金弗惜至飯一
僧葺一刹卽半菽一毛拊心燭痛則以執我我所曲士之
恒情自利利他通人之達節未易同日譚也誠使探奇韻
士伎佛高人飄然命駕一徜徉於此山松風水石之間將
焦渴之腸頓霑甘露而塵勞之性甦獲清涼必有五體齊
捐七寶爭施者因書以俟之

嘉善寺蒼雲崖修葺疏 明修撰秣陵焦竑

南都山水聞天下而城東北爲最玄武湖幕府山梅花水
燕子磯相綺錯而以巖石勝者嘉善寺蒼雲崖爲最諸石

森列奇勢迭出或盤坳突怒如靈丘或端嚴挺立如正士
或縝而潤如珪璧或廉而剝如劍戟或蹲如怪獸或削如
橫几至其攢簇而輻輳深靜而窈窕行之而臨下若谷望
之而闕天於隙晴雨異狀煙霞弄色雖非閔鉅之觀而百
仞一峯千里一瞬達者有真賞焉第閣當巖腰勝障其半
且頽墮不支久矣往姚郡伯叙卿見曰此一移置之庶閣
之頽可支石之勝盡出而卒不果今歲新安張君康叙同
謝君少廉洪君禮卿王君曰常遊而樂焉與郡伯君語悉
懸合乃謀於余及常君國寶約名勝士相與醵錢撤而更
之夫古之嗜石者如唐之平泉宋之艮嶽非不鉤深致遠

獻瑰爭奇然輦轡凌險阻歷歲月疲工力可致以成亦
可徙而去未幾委棄道路淪落草莽徒以增今昔廢興之
歎孰若茲崖一丘一壑坐而得之使問禪者可憇攬勝者
忘歸致足樂也諸君子必有離世樂道能成斯志者其亦
以此告之 萬曆甲辰夏日

詩 遊嘉善寺

明顧璘

蒼石斷蒼雲誰遺空山裏藤蘿覆細路披煙得奇詭巉巖
負龍脊哈呀露盤齒修竹照人清幽花傍泉紫樹古走危
根欲斷不可止金陵百名勝無地可

隋袁孝卿秘

匿胡乃爾天地終劫灰況我二三子取笏端下拜託交自

今始

嘉善寺石壁

明焦竑

平生寡所營幽期在林壑及辰訪雲根巾車蔭蘭薄山阻
覺徑紆苔滑嫌足弱危嶺冒緣蘿空庭下烏雀崖傾石欲
墜澗折泉如約一線喜披豁雙壁驚峭崿行看巖腹穿坐
知谷口拓朋儕笑相顧文酒時閒作風微結篇翰嘯傲寄
杯勺誰言賞心遲投老幸可託

小刹崇化寺

古刹

勅賜

在郡城外西北南去所領嘉善寺半里神策門五里北
城李子岡地相傳古刹名高峯院 國朝正統間重建

賜額今殿宇就圯重修未竟山巖下一小池方尺泉自下起蹙沸出水面若散花復暗流細澗出山下山多梅因名梅花水

殿堂佛殿參僧院參基址拾畝東至鉄石岡南至官路西至官路北至

山官

公產田山共參拾捌畝

山水梅花水其源自石隙中湧出味甘美每

崇化寺碑記略明吏部尚書蕭山魏驥

都城之北距六七里有嘉境焉清淨幽邃東連蔣麓西枕大江負林鬱而面楓宸左嘉善而右幕府羣山如抱松

檜蔚然中有古刹名曰高峰不知何代創建也 國朝大興聖教度越前古作樂章而讚佛錫徽號以崇僧法王之名昭示遠邇中外建精舍名藍 內苑起大善寶殿招提勝境遍布天下正統紀元以來名山福地益信益崇是以菩薩戒弟子父祝等各出已帑鼎新重建工既畢奏請寺額 勅賜崇化之號 正統九年丙寅春二月

詞 梅花水

明焦竑

投策長林外浮杯曲水隈影搖頻寫翠香冷不關梅雨脚添新藻雲根翳淺苔煩襟端可滌欲去甞徘徊

小幕府寺 古刹

在都城西北南去所領嘉善寺二里神策門五里牧馬
所留守後衛北城地幕府山晉元帝渡江王丞相導嘗
建幕駐軍于此圖經云梁天監中武帝與寶公來遊始
建爲寺名同行一名聖遊後改秀巖院嘉祐中又改寶
林寺 國朝如今名萬曆庚子重修林岫瞥然幽灑深
靜達摩洞前可瞰大江寺旁有蘆數千枝相傳達摩折
以渡江之餘

殿堂大佛殿

參

觀音殿

參

僧院

壹

基址參畝

東至官山
南至官使

西至金家園
北至達摩洞

公產田地山

共壹百畝

拾玖畝

伍分伍厘

山水幕府山

魏人至瓜步文帝登此山觀形勢

北固峯

山夾蘿峯一名翠蘿

山在寺西北

達摩洞

洞寬廣可二三十丈洞前可望大江

仙人臺

中虎跑泉

中峯

古蹟附五馬渡

山前晉元帝與彭城諸王五人渡江處

梁武帝石牀石榻

孫權時物

武帳岡

在幕府山東南岡側有武帳堂宋武帝嘗以開酒禁宴于此勅諸子且勿食至

會所賜饌日肝食不至有饑色乃戒之曰汝曹少化長豐佚不見百姓艱難今使爾識有饑苦知務

龍亭

即晉元帝五馬渡江一化為龍處因名亭以上俱無考

人物梁達摩

有寶誌梁武帝嘗與同遊

幕府寺修造記

明修撰秣陵焦竑

都城西北十餘里有幕府山晉元帝自廣陵渡江丞相王

公茂弘建幕府於此山因以名西有宋明帝陵及茂弘溫太真墓石徑上出青巖翠蔓蒙絡歲蕤與風推移名夾蘿峰亦名翠蘿峰又上洞門窈然可望可居長江迴合極目千里與鍾陵繖山相縈帶登覽奇處也寺在山椒稍東圖經云梁天監中武帝與寶公來遊見林巒殊勝始建爲寺名同行一名勝遊後改秀巖院嘉祐中又改寶林寺法堂琪樹鬱然梅摯詩影借金田潤香隨壁月流遠疑元帝植近想誌公遊指此也余外王父徐公瑩去寺二三里許嘗攜兒輩歲一至焉崇化嘉善二刹臚列而茲寺垂陴傾倚不支自成化甲午以來不葺者百三十載矣萬曆庚子僧

如方如覺抽衣鉢之餘積合檀施之淨貲凡幾百緡撤而
新之爲大殿者二如其法作佛菩薩於中與十八尊者相
好皆備堂皇高廣焚燎有嚴光輝燁然風物具美時一升
其間玄湖之水木鍾阜之雲物雜沓而入相爲澄曠與二
三子顧而樂之二僧請爲記余攷六朝史王氏自茂弘而
下子孫有傳者至七十餘人功名家世之盛自天地剖判
以來所未嘗有也然去之甫千載尋其墓於荒榛野草間
皆無知者以彼祖詒孫燕業著名尊可謂六代之宗工一
方之華胄已而猶然泯泯如此况夫么麼宵人弄其區區
之智力排善良擢貴富譬之衝鷗之一瑩而欲其久存豈

可得哉若茲寺盛而衰衰而復盛雖屢起屢仆而卒還其舊觀以此知道在世外良非虛語而夢幻之榮名不足言也二僧器宇樸雅可愛其爲人精敏而謹嚴鄉人信之成此當無難者而此地有茂弘太真之遺跡與陳霸先周文育之戰功旣令人感慨嘆息而竇公嘗遊於斯尤足以發來者景行之心故強爲記之諸捐貲者載其名於碑陰不書

游幕府寺記

明兵部尚書喬宇

予每游梅花水水在崇化寺後石竇隱隱而出注於池其寺之山蜿蜒起伏背向相望地頗幽遠蓋出都城北十餘

里後聞幕府山卽去寺二里許實相連屬癸酉仲秋出遊
從李子岡西行與梅花水之路實岐於此乃緣山二里許
山之闕見寺之殿脊由徑迴曲度石橋入寺寺荒落頗幽
後一室有石榻云吳王所棲又有蘆數枝云古僧達摩渡
江折於此此其所遺也皆漫不可考出寺一徑登山至一
絕壑但見江水洶洶於前崎嶇不可行復折南至山脊平
曠處趺坐云此地卽晉王導迎瑯琊王東渡建幕之處也
山名取此又登至巔見江流浩渺兼葭楊柳田疇沙渚相
帶遠近征帆漁艇輕鷗飛雁歷亂於前時草黃落路滑兩
人掖之而下緣山曲仄足向北行至一巖空洞窿起下臨

金陵府志 卷之八 寺觀
江流云達摩嘗息於此予篆題達摩洞三字并識歲月與
同遊者姓名兩峯相夾處有小城堞蓋都之外郭阻山帶
江者也其峯名夾蘿亦釋氏家之說相傳至今

傳 達摩祖師傳

神僧傳

菩提達摩南天竺婆羅門種梁武帝普通初至廣州刺史
表聞武帝遣使詔迎至金陵帝親問曰朕卽位以來造寺
捨經度僧不可勝數有何功德師曰並無功德帝曰何以
並無功德師曰此但人天小果有漏之因雖有非實帝曰
如何是真功德師曰淨智妙圓體自空寂如是功德不以
世求帝問如何是聖諦第一義師曰廓然無聖帝曰對朕

者誰師曰不識帝不省玄旨師知機不契十九日遂去梁
折蘆一枝渡江二十三日北趨魏境尋至雒邑初止嵩山
少林寺終日面壁而坐九年遂逝焉塋熊耳山魏宋雲奉
使西域迴遇師于葱嶺見手攜隻履翩翩獨逝雲問何去
曰西天去又謂雲曰汝主已厭世雲聞之茫然別師東邁
既復命明帝已登遐矣追孝莊卽位雲具奏其事帝令起
塋惟空棺一隻革履存焉

(詩) 登幕府山絕頂

明顧璘

江山開壯觀風日澹清秋攀陟良多險登臨足寫憂洲橫
鋪練出江拂畫屏流霽景千巖秀鳴淙萬壑幽風帆天際

滅沙烏鏡中浮今古興衰地乾坤浩蕩遊長歌懷往代遐
覽託冥搜名相今誰在神僧不可求唯餘山水地作險鎮
皇州

夾蘿峯

明顧源

紅日纔生賜谷東魚龍吹浪曉濛濛徜徉笑指三山路玉
甕銀牀紫霧中

遊幕府寺

明王韋

將軍分幕府昔駐此山隈事往遺墟在年深古殿開石林
橫蔓草巖洞長莓苔遶砌黃蘆遍無因隻履來

達摩洞

明焦竑

禪龕公綠嶼石洞俯滄波風雨江聲壯魚龍夜氣多停杯
今日望飛錫向時過欲問西來意踈鐘度薜蘿

小刹吉祥菴

在都門外白土山北城地東北夫所領嘉善寺四里南
去神策門二里

殿堂華光殿參佛殿參僧院壹基址參畝東至大路南至官墳

西至官墳
北至蔣家山

小刹妙泰寺

在都城外北城龍江右衛地東去所領嘉善寺五里南
去神策門四里成化年初嘉靖間傾廢今止數楹僧棲

泊焉

殿堂佛殿

參僧院壹房

基址伍畝

東至蔡家民田

南至官街

北至陳

家坟地

小三塔寺

勅賜

在都城北瀋陽左衛北城地東北去所領嘉善寺五里

南去神策門一里 國朝永樂間雞鳴寺住持德琮奉

旨于靈谷寺建法會因口奏與爲雞鳴寺塔院後正統

間僧智源啓奏 賜額如舊萬曆間傾圯募緣重修

殿堂山門

參天王殿

伍大佛殿

伍僧院

捌房基址伍拾陸

畝

東至徐府山

南至楊家民田

西至劉家田

北至官水溝

〔公產〕田地山塘

共玖拾柒畝伍厘

〔古蹟〕附寒光亭

見舊志今無存

〔文〕三塔寺新修記

明修撰秣陵焦竑

留都城之北鍾山玄武湖之側有寺曰三塔其先本以唐
蘇受名僧智源禪誦其中永樂十四年文皇帝北伐時
昭皇帝監國智源者啓奉令旨得改建爲寺至正統三
年始賜今額迨今幾二百祀矣世代旣遠風雨蠹蝕于是
殿堂門廡竄構架于傾圯丹青黝堊剝崇飾爲無色而使
日城慈室之區不具莊嚴攝心問道之輩失所瞻嚮蓋弘
六度之施修二梵之福者不見其人亦久矣至是而住山

濟安者乃發大願謂當吾之世而任其損敗如釋種何憫然以修復爲已任而三利無所出則以惠淳等力能勸導以募化屬之於時聞聲喜捨依法願助者莫不負財廩至以樂厥成蓋經始于萬曆乙丑六月以壬辰十月而工訖焉而寶殿成於流銀列楹昭乎煥景仍鶴林之舊趾改龍刹之新觀矣住持慧億以工役歲月不可無紀遂礱貞石以載之余惟佛之成道成在伽耶耳乃其國中精舍列凡惟五而阿育王所起至千有八百其爲沉沉甚夥矣然而佛身無爲不墮諸數假令有所住曾不三宿去之如是種種招提意以無著之心必不棲棲於是而在震旦之中卽

多置之不增於阿育少置之不減於伽耶也若三塔者始
焉創其無茲焉葺其有宜無輕重于佛土而顧若是不可
已何與吾想東土之爲寺始也蓋以處摩騰也今都城內
外精藍星錯豈直變置祇陀移之神地崇以嚴祀如廕龍
華而顙顙爲佞佛地哉蓮宇花宮蓋以爲勝流法侶棲託
之所也故四輩旣繇則五重爲隘將來未益則已故宜新
茲寺之修葺所以不容已者而因是余有說夫凡棲託於
是何爲者背親違家依林藉樹固以勤行苦行祈證成佛
云爾而性體本圓金剛不壞非若傾顙摧剝之待於增修
卽法卽心心無非法非若梓材埏埴之資於外假願以願

力爲役徒以毘尼爲繩墨以精進不二爲執作以解脫離
滅爲落成是入道之工程而證果之匠石也所謂覽劫雖
遼修焉如嚮命之曰真修不慙媿釋種其人矣如或不然
而徒以層構孔碩爲皈依以金碧焜燿爲色相是亦歸木
巧於流通以鴻教爲逋藪云爾何貴於修葺之爲吾故終
言之以爲來者告庶惕於斯言不虛爲三塔也者而與罽
賓之兩塔並著爲淨域也永永其無極哉 萬曆癸巳仲
春

詩
三塔寺寒光亭詩

宋張孝祥

亭依三塔占清幽松竹環除翠欲流曉色晴開千丈月波

光冷浸一天秋瓊瑤影裏詩僧屋雲錦香中劒客舟風送
不知何處笛鴈聲驚起荻花洲

金陵梵刹志卷二十八

中
刹 普惠寺

勅賜

在都城外東去三山門半里東南去所統天界寺七里
永樂間為唱經樓天順年重修 賜額每正旦節百寮
於此拜送表箋今禪院重建法席新開玄風漸興

殿堂金剛殿

枳參

正佛殿

枳參

左伽藍殿

枳參

方丈

枳參

僧院

枳參

基址伍拾畝

東至城河
西至官街

南至官街
北至造船廠

禪堂正

枳參

十方堂

枳參

大禪堂

枳參

祖師堂

枳參

靜室

枳參

厨庫等

房

枳參

公產租房

壹拾
叁間

房地


貳拾叁
間半


地

壹
畝

禪堂租房

壹拾
肆間









金陵梵剎志卷二十九

中
剎 燕子磯弘濟寺 勅賜

在郭城觀音門外燕子磯北城地南去所統天界寺四
十里神策門十里洪武初卽山建觀音閣正統初就閣
建寺 賜名弘濟殿閣皆緣崖構成危石半空嵌絕壁
上以鐵繩穿石繫棟俯臨大江咫尺望磯頭下瞰江水
如燕怒飛波濤噴激磯上有漢武安王祠及大觀亭俯
江亭皆鑿磴引綽而上與寺參差闢爽江中望之丹巖
翠壁朱欄碧樹歷歷如畫所領小剎曰清真寺觀音寺
梵惠寺

殿堂金剛殿

參

左鐘樓

座

右鼓樓

座

天王殿

參

祖師殿

臺大

正佛殿

參

無量殿

臺大

左觀音閣

參

左八難殿

參

右藏經殿

參

右伽藍殿

參

僧院

房

基址伍畝

東至

燕子磯

磯

南至城牆

西至

禪堂

臺所

附漢武安王

觀音岩

北至大街

大觀亭

祠壹所

原係本寺

伽藍殿今為道士

所居有記另人名祠志內

大觀亭

座

俯江

亭

壹座

有記

入名祠志內

公產田地山

共玖拾畝

壹分玖厘

山水觀音巖

架閣其上

據山絕壁下臨大江

勢極危峻憑檻凌空眺遠益覺佳處

燕子磯

水形如飛燕故名

大江

寺在石關

雙石屹立從

弘濟寺碑記略

明禮部侍郎呂柟

撰

明禮部侍郎呂柟

撰

撰

撰

撰

弘濟寺在金陵寒橋之觀音岩北去都城一舍許岩洞幽
深山水縈迴巖崖遠隔彷彿乎南海之普陀岩凡官民趨
於國事商旅務於經營舟楫往來或遇風濤險阻以誠禱
之者皆獲平順應如影響洪武初年有僧號久遠道行圓
融立閣於茲遂名觀音岩後爲歸併寺宇本僧於右順門
奏奉 太祖高皇帝聖旨觀音岩與那老和尚住欽此由
是沙彌雲集香火滋盛時宣德乙卯金像剝落殿宇傾頽
乃勸於衆樂善好施者聞風而來擇正統元年閏六月十
八日肇始建 佛殿大悲閣天王殿金剛山門僧舍廊廡
丹彩相映若牆垣堦砌之堅完廡庫庖漏之工緻規模勝

舊鼎建一新不逾年而訖具以上 聞聖恩 勅賜額曰
弘濟時正統丁巳四月之十一日

遊弘濟寺記畧

明禮部侍郎呂柟

己丑二月虛齋王子崇邀弘齋陸伯載及予同遊燕子磯
是日子獨先往北出觀音門傍山西行登弘濟寺磴數十
層寺西則觀音巖也怪石磻垂蒼黛參差上接雲霄而大
江自龍江關西南來直過其下俯案墻睇之可駭僧曰此
其下基皆石甃乃從僧上觀音閣閣亦傍巖下就江濬築
基上交豎九柱皆丹柱上棚棧構閣閣三面皆欄杆憑之
瞰江若在樓船頂立也是時晴見萬里日映碧流江豚吹

浪上下西望定山如蛾眉東指瓜步如丘垤他山皆閃閃
冥冥如落雁蹲鴻不可辨矣昔予在解州嘗遊龍門眺砥
柱登流丹亭汲河烹茶以弔禹墳至此乃勃然興懷將天
下奇觀尚有過斯二者乎閣東崖有白巖喬公篆書刻石
上而虛齋弘齋皆至乃復同升閣上流覽歎賞虛齋乃招
二篙師泛舟往至觀音港登壽亭侯廟先至水雲亭遂上
謁壽亭侯左有大觀亭至此看江日隱斷雲煙霧霏微蒼
茫無際矣遂攀松捫蘿以上燕子磯磯皆巉石疊起水圍
三面其石罅猶見江轉磯底可以高覽八極也

詩
登觀音山

明宗臣

一上孤峯破大荒，吳山楚水更蒼茫。
雲間棟宇垂天渚，江上鼉鼉吹石梁。
絕壁畫開風雨色，斷虹秋挂薜蘿長。
吾將從此尋瑤草，黃鵠天風好共翔。

登觀音閣

明柴奇

海湧薤珠宮，飛凌萬木中。
潮生朝閣迥，雲出夜堂空。
雁落平沙白，鼉鳴孤嶼風。
凭闌幾怯步，吳楚一帆通。

登觀音閣

明陳鳳

縹緲飛樓前江水，滙諸天魚龍掀舞浪。
花碎鼉鼉隱見波，光偏高敞對酒當。
此閣破浪乘風何處船，且須吸盡江中水。
還向石頭來問禪。

遊觀音閣三首

明張時徹

春江一雨過樹樹水禽喧草色沒羅幃沙光轉石門戍樓
雙角渺客路片帆昏水靜月來早松醪正滿尊

同是宦遊客來登江上樓牕中雲不減鳥下水長流日薄
海西樹烏隨沙際舟長吟未能去宴息草堂幽

曲水寒橋路斜陽燕子磯星河浮海嶠魚鳥詫春衣金碧
雲俱落魚舸月已輝爲官得水宿顛倒話松扉

遊燕子磯

明張鏊

燕磯千尺自淩洪波霜磴連雲晚歲過一色遠空飛鴈鷺九
江浮沫聚龜鼉亭依峭石苔文古幔捲中流樹影多岸蹟

潮平閒對酒寒煙深處起漁歌

燕子磯

明陳芹

燕子磯頭江影低俯觀千障隔林迷空江雲合水龍出高
樹月明山鳥啼竹露瑤觴秋瑟瑟天風玉管夜淒淒當年
攜手人何在滿壁蒼苔沒舊題

九日泛舟燕子磯

明楊文卿

曉露簪初聚江風帽欲斜寒磯無燕子秋岸有蘆花煙起
籠丹竈石沉浸彩霞未由解塵鞅爛醉卧漁家一
飛閣流雲氣懸崖漱浪花乍翻滄海日遙逼赤城霞衲子
煙爲幙漁郎石作家茫茫浮世界咲指片帆斜二

燕子磯

明顧璘

名山意自勝臨水廻轉幽况茲燕磯秀復枕澄江流孤根
託何所上抱雲中樓空明瞰水府下見鼉鼉遊衝濤蕩危
石翻恐地軸浮元氣旋混茫長風吹不休西來疊浪色發
自岷峨阪杳藹衆山影依微行客舟徙倚白日暮極目令
人愁

登燕子磯次浚川韻二首 明王維禎

蔡生期久榮主父嘆日暮始圖豈不偉終稅寂無趣伊余
慚豹姿敢云附隱霧睠茲清江流前種蒼桑樹四節逝不
居奄忽改芳杜因之慕幽人冀與訂良晤天外狎鷗羣雲

中躡山路所嗟乏羽翰萬里安能去弱冠事遨遊廿年承
雨露戀恩恩未酬檢齒齒非故驅逐將何如徒令鬢髮素
旅客苦未央日夜相糾錯雖云厠纓冕何異坐窳約散步
出郊圻倏登川上閣波長情旣延景異跡仍泊目睇江雲
卷意屬渚禽落祗令鄉思馳轉覺衣帶潤行止嗟誰尤悔
各亦自作王喬厭塵劫屈平嗜蘭薄往哉無淹駟去矣有
飛鶴窈窕二山秀靈怪五丁鑿且共同懷子相從覓所樂
小觀音寺

在郭城觀音門外北城寒橋地南去所領弘濟寺三里
神策門十五里舊在鷹揚衛地因江流噴蕩嘉靖末移

置於此因舊額

〔殿堂山門〕

壹楹

天王殿

叁楹

佛殿

叁楹

僧院

壹房

基址貳畝

東至鰐魚

廠

南至馬房倉

西

至顧家冲

北至大江

〔文〕

重修觀音寺碑略

明南尚寶卿許穀

金陵都城之北置觀音門以爲內衛門之外弘濟寺漢壽亭侯祠在焉襟江枕山民居稠密語地勢之壯盛者莫踰於此環江立鰐魚廠以薦上新廠前勅建觀音寺俾護國安民昭示久遠而寺之故地在鷹揚衛地方因江湖泛漲旣蕩于水而故寺弗存久矣迺今建於鰐魚廠左隙十有八年住持靜潔苦心修行永懷圯廢詛盟於神遐

邇旬旬投緣疏募是以施地損財有里人陳陟協力贊助
爰計累儲之數衍溢十千於是彙般爾之徒效姬魚之智
梗楠良而楹櫨中焉甄擾習而甃甃工焉丹碧繪而綵飾
炫焉金錯精而鎔範成焉搏換巧而像備儼焉庶品協豫
師匠奏能力萃諸人而庸底就規孔曼且碩神用孔安而
寺建落告成矣然寺以觀音名者緣世人奉持觀世音菩
薩名號而念彼觀音力者福還著於本人是知福善福
淫佛德無量無邊而寺之來有自矣夫以一寺之興廢雖
存乎時而成否則由于人靜潔發厥善念復修此寺誠無
愧于佛家弟子而施捨諸人之善根豈淺削哉 萬曆八

年庚辰孟夏

小刹 清真寺 古刹

在郭城觀音門外北城鍾山鄉南去所領弘濟寺五里
神策門十五里有僧南洲塔成化間建寺按元金陵志
云乾道志清真寺舊名清玄寺梁大通元年置復廢唐
大中中復置慶元志舊有梁時佛像建炎兵焚陳軒集
載梁立曦次韻周幢清真寺詩遺像梁朝佛卽此

殿堂山門

壹

觀音殿

叁

正佛殿

叁

寶公殿

叁

僧院

壹

基

址拾畝

東至本寺田南至官路

西至本寺山北至本寺山

公產田地山

共叁拾畝畝分玖厘

小梵惠寺

在郭城姚坊門外北城地西去所領弘濟寺十里南去
太平門三十里按舊志原在鍾山白水洼洪武初卜塋
中山王墓因移置此地礎礎尚在

殿堂山門

參

佛殿

參

觀音殿

參

僧院

肆

基址

參

東至本寺

墳

南至本寺田

西至

本寺地

北至本寺山

墳

西至

本寺地

北至本寺山

墳

西至

本寺地

北至本寺山

墳

西至

本寺地

北至本寺山

墳

西至

本寺地

北至本寺山

公產田山

共貳拾陸畝

玖分叁厘

陸畝

玖分叁厘

陸畝

玖分叁厘

陸畝

玖分叁厘

陸畝

玖分叁厘

陸畝

玖分叁厘

陸畝

玖分叁厘

陸畝

玖分叁厘

陸畝

玖分叁厘

金陵梵刹志卷二十九

終